

OSNOVNI SUD U ROŽAJAMA

Kv.br.146/12

U IME CRNE GORE

OSNOVNI SUD U ROŽAJAMA, u vijeću sastavljenom od sudija Milosava Zekića, kao predsjednika vijeća, i Slavice Bulatović i Mirsada Mujevića, kao članova vijeća, sa zapisničarem Aidom Luboder, u krivičnom predmetu osuđenog A. K. iz Rožaja, zbog krivičnih djela učestvovanje u tuči iz čl. 153. Krivičnog zakonika, i ugrožavanje sigurnosti iz čl. 168. st. 2. u vezi st. 1. Krivičnog zakonika, rješavajući po zahtjevu osuđenog za odmjeravanje jedinstvene kazne, po predhodno pribavljenom mišljenju ODT-a iz Rožaja u sjednici vijeća održanoj dana 07.12. 2012. godine, d o n i o j e

P R E S U D U

Preinačavajuse u pogledu odluke o kazni pravosnažne presude Osnovnog suda u Rožajama K. br. 161/10 od 10.01.2012.g. godine, kojom je A. K. oglašen krivim zbog krivičnog djela učestvovanje u tuči iz čl. 153. st. 1. Krivičnog zakonika, i osuđen na kaznu zatvora u trajanju od 4 (četiri) mjeseca, u koju kaznu mu se ima uračunati vrijeme provedeno u pritvoru od 24.05.2010..g.do 26.05.2010.g. i K. br. 191/11 od 17.11.2011. godine, kojom je A. K. oglašen krivim zbog krivičnog djela ugrožavanje sigurnosti iz čl. 168. st. 2. u vezi st. 1. Krivičnog zakonika i osuđen na kaznu zatvora u trajanju od 30 dana, tako što Osnovni sud u Rožajama uzimajući ranije izrečene kazne kao utvrdjene primjenom čl. 48. i 51. Krivičnog zakonika i čl. 421. st.1. tač.1. i st.5. Zakonika o krivičnom postupku, A. K.

OSUDJUJE

NA JEDINSTVENU KAZNU ZATVORA u trajanju od 140 (sto četrdeset) dana, u koju kaznu mu se ima uračunati vrijeme provedeno u pritvoru od 24.05.2010. .do 26.05.2010.g. i vrijeme provedeno na izdržavanju kazne zatvora od 31.10.2012.g.

Obrazloženje

Osuđeni A. K. , podnio je zahtjev ovome sudu da se preinače bez ponavljanja krivičnog postupka pravosnažne presude Osnovnog suda u Rožajama K. br. 161/10 od 10.01.2012.g. godine, kojom je oglašen krivim zbog krivičnog djela učestvovanje u tuči iz čl. 153. st. 1. Krivičnog Zakonika (KZ), i osuđen na kaznu zatvora u trajanju od 4 (četiri) mjeseca u koju kaznu mu se ima uračunati vrijeme provedeno u pritvoru od 24.05.2010..g.do 26.05.2010.g. i K. br. 191/11 od 17.11.2011. godine, kojom je oglašen krivim zbog krivičnog djela ugrožavanje sigurnosti iz čl. 168. st. 2. u vezi st. 1. KZ i osuđen na kaznu zatvora u trajanju od 30 dana, tako što će mu primjenom odredaba o sticaju izreći jedinstvenu kaznu.

Osnovno državno tužilaštvo iz Rožaja je svojim dopisom Kt.br. 207/12 od 07.12.. 2012. godine dalo mišljenje da predlog osuđenog treba usvojiti pošto su ispunjeni zakonski uslovi za izricanje jedinstvene kazne.

Vijeće je razmotrilo prijedlog osuđenog i spise predmeta, pa je našlo da je predlog osnovan.

Naime, prema čl. 421.st.1. tač.1. ZKP, pravosnažna presuda se može preinačiti i bez ponavljanja krivičnog postupka, ako je u dvije ili više presuda protiv istog osuđenog pravosnažno izrečeno više kazni, a nijesu

primijenjene odredbe o odmjjeravanju jedinstvene kazne za krivična djela izvršena u sticaju.

Uvidom u pravnosnažne presude Osnovnog suda u Rožajama K. br. 161/10 od 10.01.2012. godine i K. br. 191/11 od 17.11.2011. godine utvrđuje se da su osudjenom A. K. u dvije presude izrečene pravnosnažno dvije kazne zatvora i to: u trajanju od 4(četiri) mjeseca u koju mu se ima uračunati vrijeme provedeno u pritvoru od 24.05.2010. do 26.05.2010.g. i u trajanju od 30 (trideset) dana, a nijesu primijenjene odredbe o sticaju, dok se iz dopisa referenta za izvršenje krivičnih sankcija Osnovnog suda u Rožajama Iks br. 76/12 i 128/12 utvrđuje da je A. K. započeo izdržavanje kazne zatvora dana 31.10.2012. godine, po presudi K.br. 191/11 i nastavio da izdržava kaznu po presudi K.br. 161/10

Sa navedenih razloga ispunjeni su zakonski uslovi da se osudjenom bez ponavljanja krivičnog postupka, na osnovu čl. 421.st.l. tač.1. Zakonika o krivičnom postupku (ZKP) i čl. 48. KZ izrekne jedinstvena kazna zatvora u trajanju od 140 (sto četrdeset) dana u koju kaznu mu se ima uračunati vrijeme provedeno u pritvoru od 24.05.2010.g. do 26.05.2010.g. i vrijeme provedeno na izdržavanju kazne zatvora od 31.10.2012.g.

Pri odmjjeravanju kazne sud je imao u vidu sve okolnosti koje su od uticaja na odmjjeravanje kazne, pa je našao da se sa izrečenom jedinstvenom kaznom zatvora u trajanju od 140 (sto četrdeset) dana, u koju kaznu mu se ima uračunati vrijeme provedeno u pritvoru od 24.05.2010.g. do 26.05.2010.g. i vrijeme provedeno na izdržavanju kazne zatvora od 31.10.2012.g.

u potpunosti ostvariti svrha kažnjavanja iz čl. 32. KZ.

Sa izloženog odlučeno je kao u dispozitivu ove presude.

OSNOVNI SUD U ROŽAJAMA, dana 07.12. 2012. godine.

PREDSJEDNIK VIJEĆA- SUDIJA,

Milosav Zekić,s.r.

PRAVNA POUKA: Protiv ove presude može se izjaviti žalba u roku od 8 dana od dana prijema iste i to Višem sudu u Bijelom Polju, a preko ovog suda.